

Bosna i Hercegovina
Federacija Bosne i Hercegovine
Kanton Sarajevo

**JU ŠKOLA ZA SREDNJE STRUČNO OBRAZOVANJE
I RADNO OSPOSOBLJAVANJE Sarajevo**

Azize Šaćirbegović 80, 71 000 Sarajevo

Tel/fax 033 655-950

lmr@bih.net.ba

Broj: 01-1-1540/21

Datum: 4.11.2021. godine

Na osnovu člana 100. stav (3), a u vezi sa članovima 3., 44. stav (1), Zakona o javnim nabavkama ("Službeni glasnik BiH" broj: 39/14), članom 2. stav (1) Uputstva za pripremu modela tenderske dokumentacija i ponuda (" Službeni glasnik BiH" broj: 90/14 i 20/15), člana 143. Zakona o srednjem obrazovanju ("Službene novine Kantona Sarajevo", broj: 23/17, 30/19 i 33/21), odlučujući po žalbi FCT d.o.o. ulica Petra Rađenovića 12, 78000 Banja Luka zastupana po punomoćniku Željko Višić advokatu iz Banja Luke, izjavljenu na tendersku dokumentaciju za nabavku radova po lotovima: LOT 1. Građevinski radovi i LOT 2. Radovi ugradnje lifta broj KZ-2/21 objavljenu na portalu javnih nabavki dana 1.11.2021. godine - Obavještenje broj: 336-7-3-167-3-2/21, Školski odbor na JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo, na sjednici održanoj 4.11.2021. godine donosi

RJEŠENJE

I

Usvaja se žalba izjavljena od strane potencijalnog ponuđača FCT d.o.o. ulica Petra Rađenovića 12, 78000 Banja Luka zastupana po punomoćniku Željko Višić advokatu iz Banja Luke na tendersku dokumentaciju za nabavku radova po lotovima: LOT 1. Građevinski radovi i LOT 2. Radovi ugradnje lifta broj KZ-2/21 objavljenu na portalu javnih nabavki dana 1.11.2021. godine - Obavještenje broj: 336-7-3-167-3-2/21.

Djelimično se usvaja žalba u dijelu koji se odnosi na tendersku dokumentaciju i troškove sastava žalbe, dok za dio koji se odnosi na troškove koji se odnosi na povrat uplaćene naknade za vođenje žalbenog postupka odbija iz razloga što nema dokaz o uplati sredstava.

II

Ugovorni organ u skladu sa Zakonom o javnim nabavkama i tačkom 7.2. vrši izmjenu tenderske dokumentacije u dijelu koji se odnosi na Izjavu o ispunjenosti uslova iz člana 47. Zakona o javnim nabavkama tačnije na strani 8. tenderske dokumentacije pod tačkom b) riječi: "ovjerava kandidat/ponuđač, kod nadležnog organa", mijenjaju se i glase: "potpisuje i pečatom ovjerava ponuđač/kandidat", te na strani 9. tačka 2. riječi: "ovjerenu kod nadležnog organa" se brišu i zamjenjuju riječima: "ovjerenu potpisom i pečatom ponuđača/kandidata".

U dijelu koji se odnosi na Izjavu (strana 38) iz člana 47. Zakona o javnim nabavkama dosadašnja koja je objavljena u tenderskoj dokumentaciji se briše i objavljuje nova u skladu sa članom 2. stav (1) Uputstva za pripremu modela tenderske dokumentacija i ponuda (" Službeni glasnik BiH" broj: 90/14

i 20/15), te se ugovorni organ obavezuje istu dostaviti svim ponuđačima koji su preuzeli tendersku dokumentaciju putem Portala "e-Nabavke".

III

Ovo Rješenje bit će objavljeno na web stranici Škole (strucnoobraz.edu.ba) i portalu javnih nabavki www.ejn.gov.ba u cilju obavještenja ponuđača koji su preuzeli tendersku dokumentaciju za javnu nabavku radova za LOT 1. Građevinski radovi i LOT 2. Radovi ugradnje lifta.

IV

Rješenje stupa na snagu danom donošenja.

O b r a z l o ž e n j e

Ugovorni organ JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo, pokrenuo je postupak javne nabavke radova u skladu sa Planom javnih nabavki za 2021. godinu i Odlukom o pokretanju postupka nabavke radova za LOT 1. Građevinski radovi i LOT 2. Radovi ugradnje lifta.

Odlukom je određeno da se javna nabavka provodi putem konkurentskog zahtjeva za dostavljanje ponuda.

Procijenjena vrijednost javne nabavke bez PDV-a iznosi: 54.700, 85 KM.

Tenderska dokumentacija i Obavještenje o nabavci broj: 336-7-3-167-3-2/21 su objavljeni na portalu javnih nabavki dana 1.11.2021. godine.

Ugovorni organ je dana 03.11.2021. godine putem pošte zaprimio žalbu, potencijalnog ponuđača FCT d.o.o. ulica Petra Rađenovića 12, 78000 Banja Luka zastupana po punomoćniku Željko Višić advokatu iz Banja Luke, uloženu na tendersku dokumentaciju za nabavku radova za LOT 1. Građevinski radovi i LOT 2. Radovi ugradnje lifta.

Prije upuštanja u meritorno odlučivanje po žalbi, ugovorni organ je pristupio provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a koje su propisane članom 101. stav (1) Zakona o javnim nabavkama.

U skladu sa članom 100. stav (1) i (3) Zakona o javnim nabavkama BiH, ugovorni organ je utvrdio da je žalba blagovremena, dopuštena i izjavljena od strane ovlaštenog lica, te da je djelimično osnovana.

Žalitelj FCT d.o.o. ulica Petra Rađenovića 12, 78000 Banja Luka zastupana po punomoćniku Željko Višić advokatu iz Banja Luke ulaže žalbu na tendersku dokumentaciju za nabavku radova objavljenu na portalu javnih nabavki dana 1.11.2021. godine iz razloga što je:

- žalbeni navod odnosi se na Izjavu o ispunjenosti uslova iz člana 47. Zakona o javnoj nabavci, kojom izjavom Ugovorni organ zahtijeva izjavu kod nadležnog organa što je suprotno članu 2. stavka 1. Naputka o izmjenama Naputka za pripremu modela tenderske dokumentacije i ponuda, kojim je propisano kako slijedi: „ (1) U Izjavi o ispunjenosti uslova iz člana 47. st. (1) tačaka od a) do d) i (4) Zakona

o javnim nabavkama ("Službeni glasnik BiH", broj 39/14), tekst "Potpis i pečat nadležnog organa:" mijenja se i glasi "potpis i pečat ponuđača/kandidata".

Ugovorni organ je utvrdio da osporavani dijelovi Tenderske dokumentacije nisu usklađeni sa odredbama Zakona o javnim nabavkama kao i pomenutim Upustvom, te obzirom da je žalba u tom dijelu osnovana, doneseno je rješenje kojim se ispravlja tenderska dokumentacija u postupku javne nabavke radova LOT 1. Građevinski radovi i LOT 2. Radovi ugradnje lifta, objavljene na portalu javnih nabavki dana 1.11.2021. godine.

U skladu sa Zakonom o javnim nabavkama i tačkom 7.2. tenderske dokumentacije Ugovorni organ vrši izmjenu tenderske dokumentacije u dijelu koji se odnosi na Izjavu o ispunjenosti uslova iz člana 47. Zakona o javnim nabavkama tačnije na strani 8. tenderske dokumentacije pod tačkom b) riječi: "ovjerava kandidat/ponuđač, kod nadležnog organa", mijenjaju se i glase: "potpisuje i pečatom ovjerava ponuđač/kandidat", te na strani 9. tačka 2. riječi: "ovjerenu kod nadležnog organa" se brišu i zamjenjuju riječima:" ovjerenu potpisom i pečatom ponuđača/kandidata".

U dijelu koji se odnosi na Izjavu (strana 38) iz člana 47. Zakona o javnim nabavkama dosadašnja koja je objavljena u tenderskoj dokumentaciji se briše i objavljuje nova u skladu sa članom 2. stav (1) Uputstva za pripremu modela tenderske dokumentacija i ponuda (" Službeni glasnik BiH" broj: 90/14 i 20/15), te se ugovorni organ obavezuje istu dostaviti svim ponuđačima koji su preuzeli tendersku domentaciju putem Portala "e-Nabavke".

Ugovorni organ nije u mogućnosti odlučiti o dijelu koji se odnosi na povrat uplaćene naknade za vođenje žalbenog postupka.

Djelimično se odbija zahtjev žalitelja za naknadu troškova za sastav žalbe u iznosu od 1.535,63 KM.

Obzirom da je žalba djelimično osnovana, ugovorni organ usvaja zahtjev žalitelja za naknadu troškova, koji se odnose na troškove za sastav žalbe po advokatu u iznosu od 1.050,00 KM, uvećan za iznos PDV-a od 17 % što ukupno iznosi 1.228,00 KM dok se u preostalom dijelu zahtjeva za nadoknadu troškova za sastav žalbe, zahtjev odbija kao neosnovan. Odluka o troškovima donesena u skladu sa stavom Suda BiH iznesenim u Presudi broj S1 3 U 023495 16 U od 16.03.2018. godine (vidi Presudu).

Na osnovu svega naprijed navedenog odlučeno je kao u dispozitivu ovog Rješenja.

POUKA O PRAVNOM LIJEKU: Protiv ovog Rješenja može se izjaviti žalba Uredu za razmatranje žalbi, putem ugovornog organa, najkasnije u roku od 5 dana od dana prijema ovog rješenja.

**PREDSJEDNICA ŠKOLSKOG
ODBORA**

Mr.sc. Maja Srzić, dipl.defektolog

Dostavljeno:

1. FCT d.o.o. ulica Petra Rađenovića 12, 78000 Banja Luka zastupana po punomoćniku Željko Višić advokatu iz Banja Luke
2. Portal javnih nabavki,
3. Web stranica Škole,
4. Š.O.,
5. a/a.

